

ЎЗБЕКИСТОН RESPUBLIKACISI VAZIRLAR MAҲKAMACIсининг
ҚАРОРИ

**RESPUBLIKA «MAЪNAVИЯT VA MAЪРИФАТ» ЖАМОАТЧИЛИК
МАРКАЗИНИНГ ФАОЛИЯТИНИ ТАШКИЛ ЭТИШ ТЎҒРИСИДА**



LexUZ шарҳи

Мазкур қарор Ўзбекистон Республикаси Вазирлар Маҳкамасининг 2017 йил 16 сентябрдаги 731-сонли «Ўзбекистон Республикаси Ҳукуматининг айрим қарорларига ўзгартиришлар киритиш, шунингдек баъзиларини ўз кучини йўқотган деб ҳисоблаш тўғрисида (Ўзбекистон Республикаси Президентининг «Маънавий-маърифий ишлар самарадорлигини ошириш ва соҳани ривожлантиришни янги босқичга кўтариш тўғрисида» 2017 йил 28 июлдаги ПҚ-3160-сон қарори)»ги қарорига асосан ўз кучини йўқотган.

Ўзбекистон Республикаси Президентининг «Республика «Маънавият ва маърифат» жамоатчилиқ марказини ташкил этиш тўғрисида» 1994 йил 23 апрелдаги **Фармонининг** бажарилишини таъминлаш мақсадида Вазирлар Маҳкамаси қарор қилади:

1. Белгилаб қўйилсинки, Республика Маънавият тарғибот маркази кенг омма билан ҳамкорликда ишловчи, давлат бюджетидан маблағлар билан таъминланиш билан бир қаторда хўжалиқ ҳисобида ҳам иш юритувчи ижтимоий ташкилотдир.

Республика Маънавият тарғибот марказининг Қорақалпоғистон Республикаси, вилоятлар ва Тошкент шаҳридаги бўлимларини молиявий таъминлаш ва улар томонидан барча хилдаги тарбиявий-маърифий тадбирлар ўтказиш харажатлари тегишлича маҳаллий бюджетлар ва хўжалиқ фаолиятидан тушган даромадлар ҳисобидан қопланиши қайд қилинсин.

(1-банд Ўзбекистон Республикаси Вазирлар Маҳкамасининг 2006 йил 7 ноябрдаги 230-сонли қарори таҳририда — ЎР ҚХТ, 2006 й., 45-сон, 445-модда)

2. Республика Маънавият тарғибот маркази куйи бўлимларининг тузилиши ва штатлар жадвали (техник ходимлар бундан мустасно) **3-иловага** мувофиқ тасдиқлансин
Марказга Вазирлар Маҳкамаси томонидан тасдиқланадиган раҳбар бошчилиқ қилиши белгилаб қўйилсин.

Республика Маънавият тарғибот марказининг ходимлари моддий-маиший, тиббий таъминот жиҳатидан республика вазирликларининг тегишли тоифадаги ходимларига тенглаштирилсин.

(2-банд Ўзбекистон Республикаси Вазирлар Маҳкамасининг 2006 йил 7 ноябрдаги 230-сонли қарори таҳририда — ЎР ҚХТ, 2006 й., 45-сон, 445-модда)

Олдинги таҳрирга қаранг.

(3-банд Ўзбекистон Республикаси Вазирлар Маҳкамасининг 2006 йил 7 ноябрдаги 230-сонли қарори билан ўз кучини йўқотган — ЎР ҚХТ, 2006 й., 45-сон, 445-модда)

4. Ўзбекистон зиёлилари илмий-маърифий уюшмаси II навбатдан ташқари қурултойининг мазкур уюшмани тугатилган деб ҳисоблаш, уюшма ҳамда унинг таркибидаги ташкилотлар, корхоналар ва муассасалар ихтиёридаги пул маблағлари, кўчмас мулкларни Марказ ихтиёрига бериш ва Марказни уюшма мол-мулкнинг қонуний вориси деб эълон қилиш ҳақидаги қарори маълумот учун қабул қилинсин.

5. Молия вазирлиги (Б. Ҳамидов):

1994 йилнинг июнь ойидан бошлаб Марказни ҳамда «Тафаккур» журнали таҳририятини уларнинг асосий фаолияти учун зарур бўлган маблағ билан таъминласин ва ҳар йили бюджетни шакллантиришда тегишли маблағ ажратилишини назарда тутсин;

Марказ жойлашган Отатурк кўчасидаги 24-бинони таъмирлаш харажатларини тақдим қилинган ҳақиқий ҳисоб-китоблар асосида қопласин;

Марказга ва унинг журнали таҳририятига хизмат кўрсатиш учун 3 та енгил автомобиль саклашга лимит ажратсин.

6. Моддий-техника таъминот масалаларини зудлик билан ҳал қилиш ҳамда Марказ ва унинг жойлардаги бўлинмаларининг нормал фаолияти учун зарур шарт-шароит яратиш мақсадида:

Марказ ҳузурида ўзбек халқи маданий мероси намуналарини тўплаш, илмий таҳлил қилиш ва оммалаштириш билан шуғулланадиган хўжалик ҳисобида ишловчи видео-фотостудия тузилсин. Тўпланган видео-аудио, фото материаллар асосида маданий мерос фонди ташкил этилсин;

Фан ва техника давлат қўмитаси 1995 йилдан бошлаб «Маънавият ва маърифат» марказининг социологик тадқиқотлар тематикасини танлов орқали маблағ билан таъминланувчи ишлар рўйхатига киритсин;

Олий ва ўрта махсус таълим вазирлиги, Халқ таълими вазирлиги ва Фанлар академияси ўқув юртлари профессор-ўқитувчиларининг ва олимларнинг Марказ ўтказадиган маънавий-маърифий тадбирларда кенг иштирок этишини таъминласинлар;

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари икки ой муддат ичида марказнинг жойлардаги бўлимларига белгиланган тартибда амалдаги нормаларга мувофиқ хизмат хоналари, мебель, жиҳозлар ажратсинлар, телефонлар ўрнатиб берсинлар;

Тошкент шаҳар ҳокимлиги (А.Фозилбеков) Тошкент шаҳри, Отатурк кўчасидаги 24-биниони бир ҳафталик муддатда Марказга тўла бўшатиб бериб, шунингдек, уни икки ой муддат ичида таъмирлашни таъминласин;

Олдинги таҳрирга қаранг.

(6-банднинг еттинчи хатбоши Ўзбекистон Республикаси Вазирлар Маҳкамасининг 2006 йил 7 ноябрдаги 230-сонли қарори билан ўз кучини йўқотган — ЎР ҚХТ, 2006 й., 45-сон, 445-модда)

Маданият ишлари вазирлиги Марказ ҳузурида шаҳар кутубхонасининг бўлимини ташкил этсин;

Давлат матбуот қўмитаси Республика «Маънавият ва маърифат» жамоатчилик марказини нашр нусхалари мажбурий юбориладиган ташкилотлар рўйхатига киритсин. Ҳар йили Марказ ходимлари тайёрлаган илмий-тадқиқот ишлари, тавсияномаларни нашр этишни нашриётларнинг режасига киритиш чораларини кўрсин;

Ўзбекистон телерадиокомпанияси белгиланган кўрсатувлар ва эшиттиришлар соатлари доирасида Марказ учун алоҳида эфир вақти ажратишни назарда тутсин;

«Тошшаҳарйўловчитранс» уюшмаси ажратилган лимитга мувофиқ марказга автотранспорт хизмати кўрсатсин;

Алоқа вазирлиги белгиланган тартибда Марказ ва «Тафаккур» журнали учун хизмат телефонлари, шу жумладан ҳукумат АТСидан телефон ва бошқа алоқа воситалари ўрнатиб берсин.

7. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари М Қорабоев зиммасига юклатилсин.

Вазирлар Маҳкамасининг Раиси И. КАРИМОВ

Тошкент ш.,
1994 йил 8 июнь,
288-сон

Олдинги таҳрирга қаранг.

(1-илова Ўзбекистон Республикаси Вазирлар Маҳкамасининг 2006 йил 7 ноябрдаги 230-сонли қарори билан ўз кучини йўқотган — ЎР ҚХТ, 2006 й., 45-сон, 445-модда)

Вазирлар Маҳкамасининг 1994 йил
8 июндаги 288-сон қарорига
3-ИЛОВА

Олдинги таҳрирга қаранг.

Республика Маънавият тарғибот маркази қуйи бўлимларининг тузилиши ва штатлар жадвали

(3-илова номи Ўзбекистон Республикаси Вазирлар Маҳкамасининг 2006 йил 7 ноябрдаги 230-сонли қарори таҳририда — ЎР ҚХТ, 2006 й., 45-сон, 445-модда)

Олдинги таҳрирга қаранг.

Қорақалпоғистон Республикаси бўлими	
1. Бўлим бошлиғи	1
2. Масъул ташкилотчи	1
3. Мутахассислар	2
Жами:	4
Вилоятлардаги бўлимлар	
1. Бўлим бошлиқлари	1
2. Масъул ташкилотчи	1
3. Мутахассислар	2
Жами:	48
Тошкент шаҳри бўлими	
1. Бўлим бошлиғи	1
2. Масъул ташкилотчи	1
3. Мутахассислар	2
Жами:	4

(3-илова матни Ўзбекистон Республикаси Вазирлар Маҳкамасининг 2006 йил 7 ноябрдаги 230-сонли қарори таҳририда — ЎР ҚХТ, 2006 й., 45-сон, 445-модда)